

潛齋簡效方

書卷

寅

洪齋醫集卷之十四種

半癡山人著

潛齋簡效方

醫話附

潛齋簡效方序

古名臣大儒往往喜錄單方以關生民疾苦而世之醫者每為卑鄙不足道何識量之不廣哉王君孟英謂一藥治病即古之奇方蓋一病原有一藥主治識之既真何須多品第病有可以常理測者夫婦與知其不可常理測者雖聖亦有所不能盡是以病機隱幻固非良手不為功而病情奇怪有非單方不能治在昔歐公暴痢幾絕乞藥於牛醫李防禦治嗽拜官得方於下走誠醫理之難窮而藥之不可以貴賤為優劣也即今道光間吾杭皇甫心安家有狐能治病以仙目之樂懷谷女方襁褓忽啼不止拍之則愈啼解衣視背見繡鍼微露其緒而鍼已全沒多醫治之雜以藥敷肉潰而鍼終不出狐令以慈石吸瘡口理極是也而亦罔效延至百日忽費酒家聞之曰易耳第以銀杏仁去衣心杵爛米油浸良久取油滴瘡孔中即出移時果鍼透瘡口而鍼則已彎蓋強拍入之也夫以狐而仙者豈智有不逮哉乃不為慈石引而為銀杏透真理之不可測矣由此推之一病必有一藥主治洵非虛語而單方之不可忽也益信因出願體醫話一冊願體集為康熙時史搢臣先生著其醫話亦皆切於濟世而救五絕諸法尤較他書詳備向為孟英舅氏俞君珍藏孟英復以魏柳洲續名醫類案中按語單方合而成帙末附自來簡效諸方付之梓其成厥舅志固已足多而所言一以生民疾苦為心勿私其藝抑亦王君識量之不可及也

已咸豐三年癸丑仲冬杭州趙夢齡

士雄學識淹陋所錄簡效方一卷皆簡易而有效驗之方也然見聞不廣未敢質當世而張孝子養之蔣君敬堂連君書樵屢引史摺臣先生施藥不如施方之話相勗遂不揆謫儼附梓於史魏良方之後惟四方博雅咸以利濟為懷傳播秘方諒不吝教如荷匡余未逮隨時皆可續登歧子望之虛左以俟

癸丑長至日自記

潛齋簡效方目次 附醫話

頭風

面皴

肺癰

瘦喘

喉疹

口鼻病

耳目病

牙病

瘰癧

乳病

婦女諸病

小兒諸病

拘攣

鬼箭

魅惑

二陰諸病

臙瘡

腳氣 附纏足方

癬

癩

瘤

痣

大衄

禿瘡

腋癰

多骨疽

惡瘡

移毒法

退努法

消管法

殺蟲法

腋氣

杖丹

閃胸

瞽目

肝胃腹痛

截瘧膏

藥酒方

灸火論

勞病說附方

慎疾法

治疫方

解鴉片

勸醫說三則

穩婆說

救荒法

救火策

續

寡欲說

交梨大棗湯

成方弊

辨指南十六條

論續名醫類案

溫熱經緯論暑略

急暑證治附方三則

夏月傷寒略

療癰乳巖疔瘡秘方

治流注方

圍藥二方

刺痧法

潛齋簡效方

張性陶養之

定州楊照藜素園鑒定

同郡蔣寅敬堂參校

杭州王士雄孟英輯

連自華書樵

治頭風蓖麻仁乳香研塗患處立愈

天南星一箇艾五錢煎湯熏之

痛久欲失明者川烏

去皮

細辛防風蠟梢等分研細薑汁調貼患處若眉目牽引不正貼

太陽穴

面上皺路大猪蹄四枚洗淨煮如膠臥時用塗面上次早以漿水洗去半月後面皮細潔如童子

肺癰冬月醃芥菜溷貼蟬封埋土中年久則清淡如水略無鹹味飲之甚效或和淡腐漿服

戴草俗名魚腥草水煮不佳口食之甚效

金絲荷葉草搗汁同生白酒數飲立效

橘葉搗汁服吐出膿血即愈

兒兩足使倒懸則所入之物一咳即出

肺風瘡酒磨鹿角尖濃塗久之自愈

雀斑鹿角燒灰猪油調搽

白附子生研臥時以豆腐擦洗後雞子清調塗

鼻衄不止以本人鼻血紙撚蘸之右衄者點左眼角左衄者點右眼角左右並衄者點兩眼角內立效或以梔子炭研末吹入鼻中立愈

耳暴聾木香研末酒浸一宿以酒滴耳中少頃倒出三次即愈

白蒺藜炒去刺為末蜜丸服

靈磁石如豆大者一塊同穿山甲煨研末棉裹塞耳中口含生鐵一塊覺耳中如風雨聲即通

耳聾龍骨末吹之又炒黑蒲黃研末吹之亦效舌聾

耳聾血餘一錢冰片七釐研勻吹之

耳爛燈心陳皮各一錢燒灰加水片一分研吹

頭風損目以大川貝母一粒白胡椒七粒共研末葱白汁丸如柏子大以膏藥蓋貼太陽

穴目可重明

赤眼黃丹白蜜調貼太陽穴止痛如神

田中潔淨柔泥搓丸箠扁貼兩眼皮一夜兩丸立效如睡熟候醒方換

芙蓉葉末水和貼太陽穴

芒硝荊芥穗泡湯溫洗

黃連為末雞子清調勻左眼貼左足心右眼貼右足心

目翳胡桃肉鳧茛柿餅等分搗碎開水調服

目星樟腦東丹等分研細瓷器封貼左目吹右鼻棉塞之隔宿即退右目仿此

白蔞藜三錢水煎日洗三次效

目障鵝兒不食草川芎青黛各等分為末搗鼻取嚏遠年者亦效

望江青一名天脂麻一兩羊肝一具同豆腐煮食

小兒疳氣攻目雞肝一具不落水竹刀切片用牡蠣粉八分飛長砂少許拌勻糝入飯鍋

上蒸熟食之如此十次翳障退淨當時忌食茶湯油膩

烟油入目如將他物洗之愈洗愈疾甚至損瞎須用亂髮緩緩揉之自愈

天絲入目頭垢點入眼內即出又方雄雞冠血滴入眼內少頃看有紅絲將燈心捲去或

用好墨磨濃塗眼內看有黑絲亦用燈心捲去

白礬水一椀將古絲之有絲入水即愈或以筆管吹其礬水泡起眼目絲亦能出塵芒入目生翳洗搗棉裹滴汁入目中即出也

石灰擦眼山梔子煎濃汁不佳手洗一二時長痛即止或用活五穀蟲淘淨搗攤油紙上用布紮好七日不可動藥自落目無恙

眼角出血槐花炒焦煎服

損目破睛牛口涎每日點兩次須要避風黑睛破者亦瘡

青盲用二蠶砂三斗晒燥每晨服三四錢淡鹽湯下

眼堂成漏凡眼下生癰出膿流水不乾日久成漏諸藥不效以柿餅去皮取肉杵爛塗

旬日愈

眼癰用銀杏葉泡湯少加枯礬末溫洗漸愈奇效

牙疼經宿西瓜皮燒灰敷患處牙縫內立效

黑山梔桑葉泡濃湯熱漱不痛乃止

兒茶貼患處流出風涎自愈不可嚥下

石膏火煨熟八兩白蔞藜去刺四兩為極細末頻擦之立愈每日用之可免此患

華撥一錢川椒五分石膏三錢青鹽四分共研細點患處立愈

青鹽蓬砂火硝樟腦各一錢研末擦之

馬蘭頭葉水溝或水缸內青苔共杵爛以棉卷之左痛塞左耳右亦然
牙衄絲瓜藤炙灰擦之立止或用絲瓜絡亦可酒調下兼治腸紅

草決明煎湯含之即止

馬蘭頭杵爛塞患處立止

槐花炒為末搽之

瘰癧俗名癰痛用天明精五六枝同鱔魚者熟但飲其汁數次自愈

羚羊角燒灰研細雞卵清和塗兼治癰毒

猪膽汁以臙脂邊一方滲透懸風處吹乾剪貼患處

豆腐泔水一桶慢熬成膏頻頻塗之

三桑葉曬乾為末赤沙糖調服數兩自愈

南星半夏等分為末米醋或雞子清調敷黃柏為末猪油調塗

活鱔魚一尾生山藥如魚長一段白糖三錢杵爛塗之

土貝母研末陳米調醋敷

牛皮膠一兩水熬化入土貝母末五錢攤油紙貼之

佛前舊羊角燈底焙存性研末麻油調敷

田中螞蝗杵爛圍之即散

活蠟一隻麻油一錢浸三日取起曬乾為末以鵝毛蘸油搽上初起者為癰母每日多搽幾次三五日即愈

已潰者用牛皮油韃底燒灰麻油調敷

麵糊作餅貼於先潰之處再用小砂壺一把俱盛燒酒煎滾去酒以熱壺口復於餅上重之一壺冷又易一壺如此數次將毒拔盡則愈重後用猪膽汁熬成膏貼之

破爛多年不愈延及胸脅臭穢難聞雖十數載之頑證可用新石灰一塊滴水化開成粉以生桐油調勻乾濕得中先用葱椒湯洗淨瘡口塗數日即愈

牛皮膠四兩牡蠣粉拌炒成珠去粉土貝母八兩共研末水法丸如綠豆大早晚用昆布海藻各一錢五分煎湯吞下三錢不論已破未破均效

乳巖土貝母五錢煎服數日可消已破者加胡桃脰銀花連翹各三錢酒水煎服潰爛已久者用雄鼠糞經霜土楝子川棟不用露蜂房各三錢俱煨存性各取淨末和勻每服三錢

酒下間二日一服即止痛收口

乳癰白芷雄鼠糞等分曝乾為末好酒調服必多飲取一醺睡而愈

活鱖魚一尾鮮山藥如魚長者一段共搗爛敷患處以紙蓋之立愈。

陳皮炒為末黑糖調和開水送三錢七日而愈

蒲公英一兩銀花二兩酒水各一椀煎半椀加酒一小杯服之一醺可愈

乳吹砂仁去殼五分冬葵子八分共研末以蒲公英五錢枯薑仁三錢煎湯調服數日即愈

穿山甲三片炒橘紅二錢水煎和酒服立愈

甘菊花根葉杆爛酒釀沖服渣敷患處立效

乳頭破爛龜板炙研末加水片研勻麻油調搽

寶珠茶花焙研末麻油調敷內服治諸血證

陰癢雞肝或猪肝煮熟切一長條插入陰戶內過一夜次早取出數次乃愈

陰腫羌活防風煎湯薰洗

葱白研膏入乳香末拌勻敷患處

陰寬肥皂子浸去黑皮用其白肉加白芨五倍子蛇牀子石榴皮甘松山奈龍骨煎濃湯

日日熏洗寬而冷者加石硫黃煎

陰挺飛礬六兩桃仁一兩五味子雄黃各五錢銅綠四錢末之煉蜜丸每重四錢即以方

內雄黃為衣。坐入玉門即愈。甚者不過二次。

陰瘡陳蚌殼煨兒茶輕粉飛滑石人中白煨各三錢。枯礬龍骨煨各一錢。冰片三分。共研麻油調搽。

陰爛。煨牡蠣。飛滑石各三錢。陳蚌殼煨二錢。人中白煨一錢。龍骨煨錢半。冰片二分。共研末。糝之。

房後陰痛。地榆煮酒服。

陰傷出血。五倍子研末。糝之。或加血餘黃連。白礬灰亦妙。或以青布燒灰。血餘等分。研敷之。

蛇床子研末。綿裹納陰中。立效。

小便不通。生白礬末五釐。入臍中。以一指甲水滴之。

皂角煎湯洗陰戶。

淋滯淫濁。屬於濕熱者。淡豆腐漿調六一散服。亦治男子淋濁。屬於陰虛火動者。以生雞子打散。淡腐漿衝服。亦治勞嗽。欬血。帶脈虛而不攝者。海鯽蛸粉。魚鱔煮爛。搗丸。梧子大吞服。自愈。

血崩不止。淡腐漿一椀。韭菜汁半椀。和勻空心服。

棉花子童便浸一宿為末每一錢側柏葉湯下極效兼治勞嗽吐血

調經種子保胎丸白茯苓二兩白朮土炒條芩酒炒香附童便炒延胡醋炒紅花隔紙焙乾益母草淨葉各一兩真沒藥三錢瓦上焙乾去油共研細蜜丸梧子大每日七丸白湯下。凡愆者服之自調不孕者服之即娠胎動者服之即安胎滑者服之自固若胎動者每日可服三五次胎滑者有孕即宜配合每日服之勿斷自然無事亦且易生但每次七丸為則不可多服一九至嚙

慣於三月小產諸藥不效者日以梅梗三五條

綠萼梅樹上者尤良

煎濃湯飲復飲龍眼湯甚驗

南瓜蒂頻煎渴服

催生用荷瓣一張上書一個人字嚼而吞之立產

車前子四錢冬葵子三錢炒枳殼二錢白芷一錢多日不下者可煎而服之

六一散催生最妙兼下死胎並治熱產惡露不行

胎澀不下用鮮猪肉三斤煎清湯吹去浮油恣飲即產

生牛膝一兩酒浸杵爛以龍眼肉六兩煎濃汁沖牛膝酒內服之即愈

過月難產用舊絹篩羅底一箇捲筒燒碗內白湯下即產

盤腸生以生半夏搗鼻中腸自收

橫生以益母草一兩酒煎濃汁和童便一大錢服

諸般難產用陳麥桿露天者尤妙一兩洗淨剪寸段煎湯服極效

產下子腸帶出切勿剪斷致傷母命以枳殼煎湯熏洗即收

胞衣不下生雞子清一枚吞之即下

鮮荷葉濃煎服良或用伏龍肝末醋調納臍中

死胎不下蓖麻仁三粒巴豆仁四粒麝香二分同研成餅貼產門上交骨其胎立下即好

胎至足月臨盆久而不下之難產亦可貼而即產但勿用之稍早恐有樞苗之害也

伏龍肝一兩研細甘草湯調服冷飲能解諸般中毒

產後小便不通陳皮一兩為末溫酒下二錢

產後暈絕生半夏末冷水和丸如豆大納鼻中灌以熱童溺薰以炭醋立甦

產後虛弱豆腐漿一椀沖入打散生雞子一枚再加豆腐皮一張龍眼肉十四枚白沙糖

一兩同滾透五更空心服蓋產後失調往往延成勞損而貧戶醫藥無資富家每為藥

誤特采此方甘平和緩補血滋陰貧富皆宜允為妙劑

小兒初生以豬膽汁一枚入湯浴永不生瘡

初生無皮泥地上臥一宿即生冬月以白米粉燥撲之候皮生乃止

小兒開口不宜太早須生下一周時以大黃黃連生甘草等分泡汁飲數匙然後吃乳

初生小兒白膜裹舌或偏舌根可用指甲刮破令血出以燒礬末半綠豆許敷之若不刮

破其兒必啞

初生小兒兩目紅腫赤爛不開以蚯蚓泥拌塗顙門乾則易之三次必愈

生南星生大黃等分為末醋調塗兒兩足心雖月外亦可用

初生驚風欲死朱砂磨新汲水塗手足心

初生小兒便秘一味生大黃泡濃汁飲之小便不通者用清明插簷朝南楊柳枝煎湯服

亦治大人溺悶

遊風伏龍肝為末雞子清和塗乾則易之如治浸淫瘡以猪脂和敷

胎毒胎瘡臘脂膽礬黃柏東丹等分研末菜油調搽

水邊柏樹根白皮晒研入雄黃末少許生油調搽

稀痘法生黃豆生綠豆生白扁豆或黑豆亦可生甘草銀花等分常煮湯代茶飲

橄欖核七個打碎去仁晒乾研極細末不可見火勿沾生水再用玉蝶梅花二十一朵

去蒂加淨白蜜二茶匙共搗濃交春分時與兒食之永不出痘即出亦不過三粒

芥菜俗作甜芥米即葵菜一名滑菜一名苦達一名女菜性滑可浣油膩煮而供蔬食妙